

PURAČIĆ

1. oktobar 2006. Broj 1 Godina I, besplatan primjerak



r. Almazaga Čatović, direktor
rističke zajednice TK

**PURAČIĆ MOŽE
BITI POČITELJ
TUZLANSKOG
KANTONA**

MZ Puračić
organizira 145.

VAŠAR

12.13. i 14. oktobar 2006.

Kazandžijski zanat porodice Bilanović

KAZANDŽIJE SA BAŠČARŠIJE

U radionici Bilanovića se pored kazana, pravilo i bosansko posuđe, džezve za kahvu, odnosno sve ono što se tada izrađivalo i na Baščaršiji. Prema riječima današnjeg vlasnika ove radionice sedamdesetdevetogodišnjeg Momira Miće Bilanovića, kazandžijski zanat počeo je da izučava sa dvanaest godina u radnji svoga oca.



U ljeto 1923. godine u Puračić je iz Bugojna doselila porodica Bilanovića. Puračić je tada bio razvijena čaršija u kojoj je postojalo desetak zanata, tako da su se Bilanovići vrlo lahko uklopili u ambijent pokrenuvši kazandžijski zanat. Ubrzo je otvorena radionica za mašinske kazane, a usluge

ove radionice, posebno pravljenja rakijskih kazana, koristili su mještani okolnih sela, prevashodno srpske nacionalnosti, s obzirom da je proizvodnja rakije bila svojstvena njima. U tom vremenu u radionici Bilanovića se pored kazana, pravilo i bosansko posuđe, džezve za kahvu, odnosno sve ono što se tada izrađivalo i na Baščaršiji. Prema riječima današnjeg vlasnika ove radionice sedamdeset-devetogodišnjeg Momira Miće Bilanovića, kazandžijski zanat počeo je da izučava sa dvanaest godina u radnji svoga oca:

-Tada je kod moga oca radilo jedanaest radnika, od kojih su petorica majstora izučila zanat na

Baščaršiji, a radili su u ovoj radionici i dobro se zarađivalo i živjelo, istakao je Bilanović.

U tom periodu radilo se na starinski način, nije bilo uslova kao danas, nije bilo autogenih i električnih aparata i uglavnom se radilo ručno, jer poznato je da je Puračić struju dobio tek 1946. godine. Bakar za izradu kazana tada se nabavljao iz Slovenske Bistrice, tako da su sve obližnje kazandžije iz Tuzle, Doboja, Teslića, dolazile u ovu radionicu po materijal.

Danas kazandžija Momir Bilanović, bakar nabavlja iz Sevojna kod Užica i u svojoj radionici kako je rekao, sve radi ručno bez prese i kalupa. Izrađuje kazane za rakiju i pekmez, vrši popravku hladnjaka za automobile i kamione. Za razliku od ranijeg perioda kada su se izrađeni proizvodi iznosili na pijace i vašare, radi prodaje, danas se uglavnom radi po narudžbama kupaca.

Sačuvani stari zanati čuvaju specifičnost življenja mještana Puračića